

Egei Sasafei Polha Timotikou Nalama Nei

Tawale Ta

O Timoti eme o gisiai, Yesukou damaleyodei o. E sabe Listra. Sa keme sa Galesia duo kile dala. E adiou be Juda sasai, e hube Yunis. E abou ha hune di tewe. E hube Lois (2 Tim 1:5). E ayebe Grik o. E hube di tewe mei.

Timoti e hiye degeimou, Polha e wolou, Godiha ta hehegiemou siei (Dabai 16:1-3). Habage, Timoti e sa Efesus kele Yesukou damaleyodei o sasai wolou dalamou, Polha kuguo kou nalama, o takou neimou mala ile, emokou kuhe nei (1 Tim 1:3).

Kuguo koumaha sibige tabe, o ilo kelege ogou gai egei kou gue hehegile idi, o koyoha tofousogo tofolou ke tagaibabe, e nale ilo kelebou, sasai hulobou de kuolou dogogubasi, eme tolo mei, tofousogo tofolou yode tobolou idi. Polhage Timotikou na ogou gai egei ke akoguyedei.

Ta sibige tabe kou gue, sosikou dabai degedi. Yesukou damaleyodei o sasai wolou daladi dabai degedi kaha ta Polha nalai (1 Tim 3:1-7). O kediame sosikou widio o, damaleyodei o kedia sosogou idi (1 Tim 5:17-20). 1 Tim 3:8-13 kokou be, diken dabai degedi kaha ta ke nalai.

Kuguo 1 Timoti koumaha sibige kaha widio ta hiyebe tanou fei dala.

Timotihage midihō yōu milōu di kebōu
 haba midihō o sasaj damaleyodele i kedia
 milōu di kebōu de defeido tawaibōu wolōu
 dalayadomōu

(Ta Hiye 1-6)

¹ Ame Pol, Yesu Kelesuha ta-bolofei-mala-siadi-o. Godi, di Mamou Obou, Yesu Kelesu, di e haguale ke dia dalaguadi obou, dilie tobou mou, ame ta-bolofei-mala-siadi-o kuhe degei.

² Timoti, name Yesu Kelesukou damaleyodei kaha dege-mou, name ma dihido. A kuguo kou namokou nalama neli kuhe. Aye Godibou, di Hiye O Yesu Kelesubou dilie namokou solou do dege, habagugueguba, na bologuado dalale.

Dige ogou gai ta olou fei ke akogume

³ A sa Masedoniakou ilamou, namokou ta neledo dege kou tobou kenou haba tobolou mou nalolu kuhe. A tagalibe, name sa Efesuskou nou dalali, o ilo kedia mokou ta neledo dege, ni Godiha ta hehegiligibe ogou gai tabou debe tobou damabeede tobolou ke tagali. ⁴ O kedia ge kou guai o kedia degele idi ta ke tobolou ba, die hu ke olou fei sousele iligi gofou degemou, tae biya idi keme nage fogou mabeede tobou. Godikou nou damaleyodele ibasi, e dabai keme hiye degeiba dugulo ile. ⁵ Ta neledo koumaha sibigebe kou gue, dia Yesu Kelesukou damaleyodema, die duledube bolonou dalali, Godiha dihile kokou diame sibigi ta meidade tawaibasi, dia diousie yogo tagaiba tagaiba

dele ile. ⁶ O ilo kelegebe midihō dōudo kōume tōu fogōu mōu, tā sibige mei kenōu tobolōu idi. ⁷ O kedia Godihā kuolōu tā hehegile idibe, diā kōu damaledodade tawalemōu tobolōu idiye, kenōu si diā hehegile idi kaha sibige keme diōuge ta tawale idiyo mei.

⁸ Di tewe, Godihā kuolōu tā bolōdo keme bologuado hehegieibabe bolō. ⁹ Godihā kuolōu tā kahage dōudo o kediamokōu ta hehegediyo mei ke tawame. Godihā kuolōu tā keme e kuolōu gobōu gile idi obōu, e tā dulo idiyo mei obōu olōu fei kedia dumabadomōu mai. Godi tobekōu mugulo idi obōu, midihō kasagai milōu ga idi obōu olōu fei kediane dumabadomōu mai. Godihā midihō tagale idiyo mei obōu, sa sibige midihō kasagai kenōu sesega ili obōu olōu fei kediane dumabadomōu mai. O wala idi obōu, o die aye adiōu wala idi obōu olōu fei kediane dumabadomōu mai. ¹⁰ Haba, Godihā kuolōu tā ke maiibe, sasai hiyou mala idi obōu, o yogoha yogo hulo idi obōu olōu fei kediane dumabadomōu mai. Fisimōu dabai degedi o sasai hiyouye mōuma sele tiga mala idi obōu, gulokou tobolōu idi obōu, Godihā huya ogōu ga tobolōu idi obōu olōu fei kediane dumabadomōu mai. Haba tā damaledo sesediyo mei midihō ilo olōu fei milōu ga idi o kediane dumabadomōu mai. ¹¹ Kuolōu tā kaha sibige keme tā uwo bolofei Godi yōu a tobōu yadomōu amokōu kōu nei kenōu tefei. Tā uwo bolofei kahage dimokōu be, Godi eme hohobōu nelebōu hiyedo kodu dalayodei. Hohobōu nelebōu kaha yobe enōu.

Polhā Godihā emokōu solōu do degei ke bolofeyode tobou

¹² Di Hiye O Yesu Kelesu e amokou dedei neimou, a emokou bolofeyodili, ege ame dafadiyo mei ke duguo, e dabai degeyadomou makai kaha degemou. ¹³ Afu age Yesu Kelesu huyafei degemou, damaleyodei o sasai makodi. A gofou hiyedo degediye, kenou si ege amokou solou do degei, a ta tawalemou, emokou damaleyodili mei kaha degemou. ¹⁴ Ame di Hiye O Yesu Kelesuha hiyedo habaguguegu kaha degemou, a emokou damaleyodema, o sasai kediamokou ne hoho dege dala kuhe.

¹⁵ Yesu Kelesuha sa sibige kuokou hagueibe, midihou kasagai milolou idi o sasai kedia mamou lamou haguei. Ta keme damaledo ta, o sasai olou fei duloba damaleyodema. Damaledo, afuge ane midihou kasagai kou milou gadi. Midihou kasagai a milou gaibe folodo. O iloye milou gadibe huyadefei. ¹⁶ Kenou si Yesu Kelesuha amokou solou do hiyedo degei. Midihou kasagai a milou dibe hiyedoye, kenou si ege a dogou gulobe ta dafali mei kaha degemou, o sasai ma habage haguasili kediane Yesuha a solou do degei ke duguo tawaleba, diane emokou damaleyodeibasi, fi tofousogo tofolou ke mala ile. ¹⁷ Hiye O, eme you kegenou dalale, eme ta tolo ile mei. Oe ta dugulo ile mei. Di Godi tanou do. E huhe hiyedo folodo. Di hohobolou ba, e hu hebele fogueonou dalame. Damaledo.

Timoti e o sasaiye midihou kasagai milou gadi ke neledo dege akoguyedei

¹⁸ Ma dihi Timoti, habage-degele-duguo-tobou di-o kedia namokou kou tobolou i sagai kenou tefele, ane

namokou̇ neledo dege tobolou̇ kuhe. Nage ta dia tobolou̇ i ke seseleba, ogou̇ ga tobou̇ di o kedia hehegile idi keme akogu. ¹⁹ Na kege degeligibe, Yesu Kelesukou̇ damaleyodemaba, ne duledube bolonou̇ daladade tawa. O ilo kediaḡe die midihō kasagai̇be kou̇ daladade tawale iliye, kenou̇ si Godikou̇ kusigile tobolou̇ be dafa idi. Die damaleyodeibe mosole igikou̇ ile kolomamou̇ siei sagai̇ kenou̇ tefei. ²⁰ O kegele ibe Himeneus dilie Aleksander dilie. Diliebe a Tamakou̇ sesegu, dilie Godibe huyafei degele sagai̇ meidade tawamabadomou̇.

2

Di Godihage o sasai̇ dogou̇ guyedema dihȯ бага tobou̇ me

¹ Yomogou̇ do, a namokou̇ neledo dege tobolou̇ be kou̇ gue, na tobou̇ ba, damaleyodele i o sasai̇ kedia dihȯ бага tobolou̇ be, Godihȧ diou̇ diabou̇, o sasai̇ olou̇ feibou̇ de dogou̇ guyedema dihȯ бага tobou̇ mabeede. Haba Godikou̇ dihȯ бага tobolou̇ gibe, bolofeyodemabeede, Godihȧ di olou̇ fei dogou̇ gue ili kahȧ degemou̇. ² Haba Godihage sa sibigė kuokou̇ gamani hiye o olou̇ fei kene dogou̇ guyedema dihȯ бага tobou̇ ma. Kegeibasi, di hagi ta dugulo mei, bologuanou̇ dalaguali, Godihȧ midihō bolodo kenou̇ milou̇ ga dalaguale. ³ Kege dihȯ бага tobolou̇ idi keme Godihȧ dihilebe bolofeido. O di Mamou̇ O Godihage di kege dihȯ бага tobolou̇ idi keme hoho hiyedo. ⁴ E o sasai̇ olou̇ feido mamou̇ba, dia damaledo ta kahȧ sibigė ke tawale ke tagali. ⁵ Di tewe, Godibe tanou̇ dofei. Godi e ilokou̇ dalamou̇, ha o sasai̇ di ilokou̇ dalamou̇,

o Yesu Kelesu e me mogou du dala. ⁶ Sawisie Godiha maka degei kelegenou, Yesu Kelesu e yousie seseguomou tolo i, di mamou lamou. Kegei kaha Godiha dimokou hegibe, e di mamolou ke hegi. ⁷ Ame Godiha e ta-bolofei-malasiadi-o makai. E tobou mou, a egei tobou mou siadi. Age ogou ga tobou yo mei, damaledo tobolou kuhe. Ege ame sa sa obiyei kediamokou hehegieyadomou makai, o sasai kediane Yesu Kelesukou damaleyodemaba, damaledo ta ke tawamabadomou.

⁸ A tagalibe, o sa sa keleya tie kedia Godikou damaley-odema, gofou dege ta e biya idi ke fogou ba, die dobogou hebele foguo diho baga tobou mabeedili.

Sasai kedia midihō bolodo milou di keme damaledo diousie similou di

⁹ A tagali tabe kou gue, sasaiyege yukueibe bologuanou kama, kegeligi sidifi degele iye deba. Widio towe similou dibou, bi sele igi golye milou gaibou, webou, yukuei sele hiyeye mamoubou denou kadama. ¹⁰ Sasai Godikou hohobou diyode tobolou idi kedia o sasai dogou guomou, midihō bolofeido kenou milou ga idi keme diou die similolou idi ke sa degei. ¹¹ Sasaiyege Godiha ta dulobabe, diou die hu hebele fogudama. ¹² Age sasai kedia omokou ta hehegedibou, haba obe sasai kedia hayedu daladibou keme dafadi. Damaleyodele i o sasai ni kefeguoba, sasaiye Godiha ta hehegedama. ¹³ Yobe, Godihage Adambukou milou mamou, habage sasai Iv kuhe milou kaha degemou. ¹⁴ Adam ege ogou gai ta ta duli mei. Ivhanou si dulomou, midihō kasagai yomogou milou. ¹⁵ Sasai kediamme dihi

mou̅basi, Godiha dia mamolou̅. Kou̅ kegeiye, dia Yesu Kelesukou̅ damaleyodema, o sasai̅ olou̅ fei̅ tagaleba, Godi e̅ midihō bolodo kenou̅ milou̅ ga ibasi, e̅ sasai̅ kedīa mamolou̅.

3

Damaleyodei o sasai̅ wolou̅ daladi o kediane midihō dou̅do kenou̅ milou̅ mabeedei

¹ O taha̅ ta damaleyodei o sasai̅ wolou̅ daladi dabai ke degele tagaibabe, dabai e̅ ke tagali keme bolodo. Ta̅ keme damaledo ta̅. ² Damaleyodei o sasai̅ wolou̅ daladi oyege midihō dou̅donou̅ milou̅, o sasai̅yege e̅ midihō kasagai̅ ta milou̅ ba dugulo mei. Eme sasai̅ tanou̅ fei̅ huloba defeido dalayede. You̅ e̅ tou̅ e̅ tagai sagai̅ kenou̅ degedayede. Obege eme midihō bolonou̅ milou̅ ba dugulo. O taha̅ e̅ mosokou̅ hagubabe, feleyedemaba, hohō degeyede. Tabe, eme Godiha̅ ta̅ hehegiedi kenou̅ tewe hiyedo degeyede. ³ Damaleyodei o sasai̅ wolou̅ daladi oyege tigi kolo huei̅ gofou̅do ke n̅ada, fi̅ totou̅ degeiye deba. Toto gofou̅ degeba biyada, t̅ane amafeinou̅ tobou̅ yede. Ta̅ene ta̅ biyada, sele hiye molou̅ sagaine ta̅ degedayede. ⁴ Damaleyodei o sasai̅ wolou̅ daladi oyege you̅ e̅ sosou̅ diame bologu̅do dia dalayede. E̅ sisigo diage e̅ ta̅ dulo seseleba, emokou̅ be midihō dou̅do kenou̅ milou̅ mabeede. ⁵ O koyoha̅ you̅ e̅ sosou̅ diame bologu̅do ta̅ dia daladiyo mei debabe, e̅ Godikou̅ damaleyodele i kediane kage wolou̅ dalale? ⁶ Ebele damaleyodei oyege dabai ke degedayede. Kegeligi, enou̅ si boloyode tawaleba dabai degeligi, you̅sie you̅ e̅

hu ke hebele foguba, Godiha Tama ta sale kelege ene ta saiyē domōu. ⁷ Haba tabe kōu gue, damaleyodei o sasai wolōu daladi dabaibe, midihō bolofeinōu milōu di oyenōu degeibasi, o fekōu dalagua kediane duguoba boloyodele. Kegeligi, e midihō kasagai ta milōu ba, Tamaha salemaiye e touye domōu.

Diken o kediane midihō dōudo kenōu milōu mabeedei

⁸ Nebe kenōu tefei, diken oyene midihō dōudo kenōu milōu ma. Fimai bolou degeba, tigi kolo huei gofōudo nama fi totōu degeba, sele hiyou mōudama. ⁹ Diken oyege, die duledube bolonōu daladade tawaleba, ta Godiha damaleyodei o dimokōu hehegiei ke hiligedo tolōu dalama. ¹⁰ Nige o sosikōu yomogōu dabai degeladi keme defeido file dugu, e bologuado dabai degele sagai dugubasi, emokōu dabai ke nema. ¹¹ Diken o kedia sasaiyene* midihō dōudo kenōu milōu gamabeede. Tobe tobōu dama, tōu e tagadi midihō kenōu degedama, sosikōu dabai degele hobōu dafadamabeede. ¹² Diken oyege sasai tanōu fei huloba, e sasai bōu e sisigobōu olōu fei bologuado wolōu dalayede. ¹³ Diken dabai bologuado degeli o die hube bolonōu dalale. Diage diōu Yesu Kelesukōu damaleyodei ke hehegilebe ta gue degele mei.

Godiha midihōbe sibige hiyedo folodo

¹⁴ A namokōu toto ile kōu tagaliye, kenōu si a kuguo kōunōu nalama, o takōu neiba, namokōu kuhe mala ile nele. ¹⁵ Kegei kaha, a toto i ho fogōu babe, na kuguo

* 3:11 3:11 Tewe o ilo kelege tawalibe, sasai kediane diken o kedia sasai mei, diame diken sasaidade tawali.

kuokou nou duguoba, midihō Godihā sosou dia milolou sagai ke kuhe tawa. Di Godi eme you kegenou daladi o. E sosou be damaleyodele i o sasai dinou. Dibe mouti sa degei. Mouti kaha sosi moso hiligedo tolou dala sagai kenou tefele, dine Godihā ta damaledo ke hiligedo tolou hebele foguo dala kuhe. ¹⁶ Di tewe, Godihā midihobe sibige hiyedo folodo. Ta e dimokou hehegiedi kaha sibigebe kou gue, Eme damaledo o бага tama degeimou, o sasaiye dugulo i. Duo Bolofeihaḡe eme midihō doundonou milou di oyodemou hegi. E tama degeimou, esol o kediane dugulo i. E degegai ke oe sa sa obiyei kediamokou hehegiemou suluguei. Sa sibige o sasai kedia emokou damaleyodele i. E hebeni hohokou folomou, hu hiyedo ke mou.

4

Ogou gai egei kaha degeiye, o sasai ilo kele fi totou degele i

¹ Duo Bolofeiha tamaḡo kou gue tobolou, habagebe o ilo kele Godikou damaleyodei ke tou fofou guemaba, ogou gai egei duo kasagaiye hehegieimou tobolou ili ke dulo ile. ² Ogou gadi o kedia ogou gai egei hehegile idibe taenou tobolou idi. Die duledube kasagainou. Midihō kasagai dia milolou idi keme diouge bolyode tawale idi. ³ Diage obou sasai bou hudi ke kuolou dogogulo idi. Haba, nale nadi ilo kelene kuolou dogogulo idi. Ta damaledo ke tewe o dige kuolou ta dala mei. Nale olou feibe Godi younou milou gai kaha, damaleyodei o sasai dige emokou bolofei yode

tobou maba mouma nala ilenou. ⁴ Nale Godiha milou gai olou feibe bolonou. Dige kasagaiyodedame, Godikou bolofeyode tobou maba kuhe moume. ⁵ Yobe, Godiha tabou, di diho бага tobolou kebou kahage nale olou feibe Godiha binou degedi, kuolou ta dala mei.

Timoti eme Kelesuha dabai o bologuado degele dalayedei

⁶ Na ta a tobolou kou damaleyodei o sasai kediamokou hehegieibabe, name Yesu Kelesuha dabai bologuado degele. Kegeiba, name ta bolodo ei damaleyodema hehegiedi ke olou fei tou ma sesedi kaha dedei sagiba kuhe hehegile. ⁷ Nage kou guai o kedia degele idi kaha ta keme hobou duda. Ta keme sibige mei, Godikou damaleyodei o kedia dulo sagai mei. Na Godiha midihoya kenou sulugi, dabai hiyedo dege. ⁸ Tou nele degelaba dabai hiyedo degeibabe keme huyadefei kou boloye, haba Godiha midihog ke seselaba dabai hiyedo degeibasi bolofeido. Kege degeli o keme sa sibige kuokou tofousogo tafalali, habagene tofousogo tofousogo tofolou. ⁹ Ta keme damaledo ta, o sasai olou fei duloba damaleyodemabodomou kuhe nalai. ¹⁰ Kegei kaha degemou, di dabai hiyedo degemou ili. Keme mou degemou iyo mei. Godibe you kegenou daladi, dibe e dimokou bolodo ta degele ke dia dalagua. Ege o sasai olou fei mamolou tagaliye, kenou si emokou damaleyodei o sasai dibe e kou mamolouye dala. Kegei kaha degemou, di dabai hiyedo degele ili kuhe.

¹¹ Nage o sasai kediamokou be ta kounou dulo sesemabeedema hehegie tobou. ¹² Name gisiai kaha, diage

wa, n̄ame mōu oyade tawale iye. N̄a midihō bolofeinōu milōu babe dīane duguo tawaleba sesele ile. Kegeibasi, n̄a t̄a tobolōu deba, siale deba, o sas̄ai tagale deba, Godikōu damaleyodele deba, e dīhile kokōu sibigibōu mei dalale deba n̄a midihō dōudo kenōu milōu gamōu sia de. ¹³ A namokōu toto i ho fogōu babe, n̄age o sas̄ai kediamokōu Godih̄a kuguo ke husōuma hehegie tobōu de. ¹⁴ Godih̄age e nele keme namokōu kōu solōu do nei kah̄a degemōu, n̄a hobōu tatabai degeda, dabai keme defeido dege. N̄a tewe, sosikōu widio o kedīa namokōu dobogōu dogoguo, diho baga tobolōu i kelegebe, habage-degele-duguo-tobōu di-o taha midihō n̄a degele ke tobōu mōu, Godih̄age e nele ke namokōu kuhe nei.* ¹⁵ Sawisiei olōu fei ne dabai keme kegenōu dege. N̄a dabai ke defeido degeibabe, o sas̄ai kedīage midihō bolō n̄a milōu di keme hiye dege kegenōu kuhe iledade tawale ile. ¹⁶ N̄a nōusie midihō nōu milolōu kene file dugu, midihō kasagai milōu ye deba. Haba o sas̄ai kediamokōu hehegili dabai, nōu degeli kene defeido file dugu. N̄a nōusie kege file dugubasi, Godih̄a nabōu, ne t̄a dulo damaleyodele ili o sas̄ai kedīabōu de mamolōu.

5

Timotih̄age damaleyodei o sas̄ai kedīame yōu e sosōu saḡaido duguyedei

¹ N̄a odo kediamokōu ne gofōu degeda. Nōu ne ayekōu t̄a dōususudi saḡai kenōu tefele tobōu. O gisiai kediamokōu ne, midihō, nōu ne eye mala dīamokōu degedi

* 4:14 4:14 N̄a Rom 12:3-8 dugu.

sagai kenou tefele dege. ² Haba sobou de kediamokou ne, midihou, nou ne adiou kou degedi sagai kenou tefele dege. Sasai gisiai kediamokou ne, Godiha dihile kokou midihou doudo, nou ne bobasi diamokou degedi sagai kegenou dege.

Kuei sasai kediamme o koyoha dia dalale?

³ Kuei sasai ta esofei dalababe, na emokou be midihou bolofei kenou hegi. ⁴ Kenou si, kuei sasai kaha e sisigobou, e abou diabou dalaguababe, nage diame die adiou ke dia dalaguamabeede tobou, die dabai ke tawamabadomou. Yobe, Godiha midihou sesedi kelene dabai dala. Diou die sosou dia daladi keme sibige hiyedo dabai. Die adiou ha dia wolou daladi kaha hebe keme diage die adiou sobou dedo degei ke defeido dia dalaguamabeede. Godihage midihou keme hoho hiyedo.

⁵ Kuei sasaiye esofeido dalalibe, e Godiha emokou midihou bolodo degele ke dia daladi. Agalibou huliamebou de e Godikou diho baga tobou di, e dogou guyadomou. ⁶ Kuei sasai koyoha midihou you tagali sagai kenou milou ga dalababe, eme kou tolo i sa degei dala. ⁷ Egele ta a nalai keme nage kuei sasai kediamokou hehegie, o sasaiye dia susuga tobolou iye domou. ⁸ O koyoha you e sosou dia dogou gu ho fogou babe, eme Godikou damaleyodeibe tou fogou mou, meido degei dala. Haba e sasai bou e sisigobou dene wolou dala ho fogou babe, midihou kasagai e degeli keme damaleyodili mei o sasaiye degele idibe gabama folodo. ⁹ Kuguo, kuei sasai die hu nalagai dala

kokou be, na hu mou youwa ta nalada.* Kuei sasai, na e hu kuguokou nalalebe, eme o tanou fei hulo dalali, o ke tolo imou, esofei deleibe sadebe olou fei 60 kege mei degei kedia hu kenou nala. ¹⁰ Kuei sasai kegei keme o sasai kediamokou midihou bolofei kenou hehegiedi sasaiyodele idi. Eme sisigo bologuado dia daladi sasai. Sa ta oe hagumou ne, ege bologuado dia daladi. Godiha o sasai die abogou bigidi.* Obe hagi dugumou ne, e dogou gudi. Eme midihou bolodo kegeinou milou gadi. Na kuei sasai kegele i kedia hunou kuguo kokou nalaga, nige dia dogou gumabadomou.

¹¹ Kuei sasai, sobou de degele ili mei kedia hube nalada, dia haba o hulo sagaiye Kelesuha dabai degedi ke tou fogou ye domou. ¹² Kegelige, dia hebe kasagai ke mouye domou. Yobe, dia Godiha dabainou kou degeleyodeiye, haba degele ili mei kaha degemou. ¹³ Kuei sasai, gisiai degele i kediage haba o huli mei degeimou be, dia midihou bolou mei milolou idi. Dabai degele dafama, moso ta moso ta suluguali, midihou yogo dia degedi ke dulomou, diane susuga tobolou idi. Ta di tobolou sagai meine, tobolou idi. ¹⁴ Kegei kaha, kuei sasai gisiai degele i kediamokou be, a kou gue egele tobou lamou, nime o gehe huloba, dihi mouma feleba bologuado dia dalaguama. Kegeibasi, fekou dalagua o sasaiye ni ta susuga tobolou ile mei. ¹⁵ Ni tewe,

* 5:9 5:9 Tewe o kedia tawali, kuei sasai, o tae haba hulo sagai mei kedia die hu oe kuguokou naloumou be, dia sosikou dabai degeimou, damaleyodei o sasai ilo kedia diamokou nalebou bibou solou do nele idi. * 5:10 5:10 Juda o kedia midihobe kou gue, o taha hagua, die mosokou feleimou be, diage o felei kaha abogou ke bigile idi, e hohobou yadomou.

kuei sasai ilo kelebe midihō bolofei ke tou fogou mou, Tamaha ta dulo sesele idi. ¹⁶ Damaleyodei sasai ta na, ne sosou kile kuei sasai ta dalababe, nounou dogou guo dala. Kegeibasi, damaleyodele i o sasai ni kuei sasai ke ta dogou gulo mei. Damaleyodele i o sasai nige kuei sasai, die sosou mei kedianou dogou guma.

Dige sosikou widio o, dabai bolō degedi kediane defeido dogou gume

¹⁷ Sosikou widio o, damaleyodei o sasai bologuado sosogou ili kediamokou be dige die ta defeido dulo seseleba, midihō bolonou hehegieba, dia dabai bologuado degedi kaha hebe neme. Egei tobolou idi obou, Godiha ta hehegile idi obou olou fei kediamokou be dige kege degeme. ¹⁸ Di tewe, Godiha kuguoye tobou,

Nige wai bulumakou kedia alasi kolo tofou tofou gugulo ibabe, kegeligi dia alasi nala iye deba, die mogou hobou komuguo tigadama. *Lo 25:4*

Kegemou, di tewe,

Dabai oyege die hebe mouidi.

Luk 10:7

¹⁹ O tanou ye feleba, sosikou widio oe midihō kasagai ta milouyode tobou babe, na duda. O bolou sagai, ha kamadia sagai kegeye tobolou ibasi na du. ²⁰ Sosikou widio oe damaledo midihō kasagai ta milou babe, na damaleyodei o kedia dihile kokou mala folo tefegieba, doususu. Kegeibasi, o ilo kediane midihō kasagai milolou gue degede ile.

Timoti e midihō you milou di ke defei tawaibou

²¹ Godibou, Yesu Kelesubou, Godiha esol o you makai-
bou die dihile kokou a namokou dou do kou gue tobolou,
ta a tobolou koume na defeido sesele iligi, o hubou obou,
hubou mei obou kediamokou tefelenou hehegie. Na
midihou bolofei keme hiye obou, ne mogodobou diamokou
nou hehegiada. O sasai olou fei kediamokou ne hehegie.
²² Na o ta Godiha dabai degeyadeba maka degeba, emokou
toto dobogou dogoguo diho baga tobou da. Kegeligi, e
haba midihou kasagai ta milou ba, nane midihou kasagai e
milou kaha touye deba. Na nou ne midihone defeido file
dugu, Godiha dihile sibigi ta deleiye deba.

²³ Na hueidonou nada. Tigi kolo huei gofoudone
huyadefei dogou guoba na de, name guadobou, do ilobou
de degedi kaha.

²⁴ Midihou kasagai o ilo kelege milou gadibe kou tama
dalaye, haba ta saba filebe you dala. Kenou si midihou
kasagai o ilo kelege milou gadibe mogogou dala,
habagenou si tama degele. ²⁵ Kenou tefei, midihou bolofei o
sasaiye milou gadine tamakou dala. Midihou bolou ilo kelege
toto ta tama degele mei, kenou si kegenou mogogou dalale
mei, habage tama degele.

6

*Dabai degedi o sasai kediane die boseha dabai bologuado
degemabeedei*

¹ Damaleyodei o sasai, fisimou dabai degedi kediane
hebe mala idiyo meiyee, kenou si diage die boseha ta
duloba, e hayedunou dalaguama. Kegeligi, die boseha

Godihā hūbōu, di hehegiedi dabai kebōu de susuga tobouye domōu.

² Dabai degedi o ilo kedia die bosebe damaleyodei o debabe, Diane e ta defeido duma. Die bosebe damaleyodei o, diame eye mala sagai. Kegeligi, dia e ta dulo ile meiyode tobolou iye. Die bosebe damaleyodei o kaha, dia e tagaleba, e ta duloba, e dabai defeido degemabeede.

Sele tagadi midihō keme midihō kasagai milou gadi olou fei kaha yo

A namokou nalolu kou na damaleyodei o sasai kediamokou hehegiligine, kegenou egele tobou. ³ Di Hiye O Yesu Kelesuha ta kahage dimokou be doudo hehegiedi kaha degemou, dige Godiha midihō kenou seselemou hehegiedi. O tahage midihō ke tobekou muguoba, o sasai kediamokou ogou gai egei hehegieba, ⁴ you esi boloyode tawaleye, e ta tawaiyo mei. O kegei kahage o ilo kelebou de sibige mei ta gehe gehe ke tobolou mou tae biya idi. Kegeri kaha degemou, obe kona degele idi, gofou degele idi, susuga tobolou idi, o ilo kelebe midihō kasagai milou gadi oyode tobolou idi. ⁵ O kegele i kediage diousie yogokou gofou degeimou gofou degeimou dele idi. Die fimaiibe doudo mei. Damaledo tadade tawale iyo mei. Diage wa, Godiha midihō sesedi kahage, dia sele hiyedo molouyade tawale idi.

⁶ Di Godiha midihō kenou seseligi, bi you dimokou nedi kokou hohō degeibasi, di bologuado dalaguale. ⁷ Di adiou ha di mala felei kelegebe, di bi tabou de mala fei mei. Di tofigile kelegene, di bi tabou mala ile mei. ⁸ Sa sibige

kuokou be nalebou yukueibou denou dalababe, di hoho dege dalame. ⁹ O koyoha sele hiye mou laba degeibabe, o keme tefele duguye haguaba, salemaiye tou di sagai kenou tefele tolou male. O kegei kaha e degele sagaibou, e molou sagaibou keme sibige mei, yousie makolo sagai ke degega ili kahage, eme makoma mei degele. ¹⁰ Sele tagadi midihou keme midihou kasagai milou gadi olou fei kaha yo. Damaleyodei o ilo kelene selekou nou hoho hiyedo degeligi, Yesukou damaleyodei ke tou fogou kaha, diame hagi kagei ke dugumou ili kehe.

Na nabukou hiligedo foukua iligi, fi tofousogo tofousogo tofolou ke mouyedei

¹¹ Kenou si, name Godiha bi. Na midihou kasagai olou fei ke tobekou muguoba, midihou doudo kenou sese. Na Godiha midihou ke milou gaba, emokou damaleyodema, o sasai tagaleba, neledo dege iligibe, omokou gofou degeda. ¹² O Yesu Kelesukou damaleyodei keme o tae ebukou foukua ile folodi ke sa degei. Na o kegei kenou tefele foukua i, fi tofousogo tofousogo ke mou laba. A mou tobou yo mei, afu na o dihile kokou tafalali tama dege toboube, ame Yesu Kelesukou damaleyodeiyodei kelege, Godiha name fi tofousogo tofolou ke molouyodema kou makai kaha.

¹³ Bi olou fei milou gai o Godibou, Pontius Pailatkou damaledo ta ke tamado tobou o Yesu Kelesubou, dilie dihile kokou, a namokou doudo dege tobolou kuhe, ¹⁴ Godiha ta a namokou tobolou koume na defeido sesele iligi, di Hiye O Yesu Kelesu hagua tama degeiba di dugume.

Kegeligi, na midihō ta, oe kasagaiyodele sagai ke milōu ba dugulo iye. ¹⁵ E hagualebe, aso diho Godi yōu makai kelegenōu haguale. Eme hohō degedi kaha obōu. Sa sa olōu feibe yōunōu dia dala. Eme hiye o kedia Hiye O. Gamani hiye o kedia die Hiye O. ¹⁶ Godi enōu be todi tewe mei. Eme hohō hiyedoye silemai, di ile hafei degele sagai mei. O tae eme dugudiyo mei, habagene dugulo sagai mei. E hube hiyedo folodo. E nelebe mei degele mei. Damaledo.

Selebōu o kedia Godikōu damaleyodema, bi mei o kedia dogōu gumabeedei

¹⁷ Na selebōu o kedia mokōu be diōusie hiye degedamabeede tobōu. Dia die bimai kōu sudoye, diame tofousogo tofolōu ile mei. Bimai kene tofousogo dalale mei. Dia Godikōu damaleyodeibasi Godiha bi bolō bolō, dia hohō degele sagai ke diamokōu nele. ¹⁸ Nage diamokōu be, o sasai dogōu guo, midihō bolofei milōu gaba, bi mei o sasai kedia mokōu solōu do nemabeede tobōu. ¹⁹ Dia sa sibige kuokōu ge kege degeibabe, diame hebe bolodo, diōu habage molōu ke kefele ili. Kegeibasi, dia fi gehe malaba, tofousogo tofolōu ile.

Timotihā e dabai ke yōu defeido dia dalayedei

²⁰ Timoti, Godiha namokōu kōu nei keme nōu defeido dia dala. Tā daga daga, Godiha tagale sagai mei keme olōu fei tobekōu mugu. Oe tewe o kedia tayodema, tae biya idi kene na duda, ahu dege dala. ²¹ Damaleyodei o ilo kelene ogōu gai tā kegei ke dulomōu ke sesele iligi, Yesukōu damaleyodei ke tōu fogou dalagua.

Godiha habagugueibe nibōu de dalale.

Godihā Tā Bolofei

Konai: Godihā Tā Bolofei New Testament

Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: (Konai)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

8c47cab8-fc6e-524e-936f-c52eba70db94